

## Procesverbal - Tipi i kontratës - Shërbime

### **PËR ARGUMENTIMIN DHE MIRATIMIN E SPECIFIKIMEVE TEKNIKE DHE KRITEREVE PËR KUALIFIKIM**

*(Ky procesverbal është për efekt publikimi bashkë me dokumentet e tenderit)*

**Objekti i procedurës:** “Mirëmbajtje riparime nga te tretët elektrike”.

**KODI PËRKATËS NË FJALORIN E PËRBASHKËT TË PROKURIMIT (CPV):**

**Shërbime të riparimit dhe mirëmbajtjes**

**Vlera e fondit limit :** 12.000.000 (dymbëdhjete milion ) lekë **pa TVSH.**

Në bazë të nenit 21, pika 2, të Ligjit nr.162/2020 “Për prokurimin publik”, nenit 2, pika 2/c dhe nenit 78, pika 2, të VKM nr. 285, datë 19.05.2021 “Për miratimin e rregullave të prokurimit publik”, autoriteti/enti kontraktor UKT sh.a ka hartuar procesverbalin për argumentimin dhe miratimin e specifikimeve teknike dhe kriterëve për kualifikim për procedurën e sipërcituar, me përmbajtjen si më poshtë:

*a. Formularin Përmbledhës të Vetëdeklarimit, sipas shtojcës 9*

*b. Sigurimin e Ofertës, sipas Shtojcës 3;përkatësisht në vlerën 240.000 (dyqind e dyzet mije) lekë*

**Argumentimi:** Kërkesat e mësipërme bazohen në nenet 76, 82 dhe 83 të LPP, nenit 26, të VKM nr. 285, datë 19.05.2021 “Për miratimin e rregullave të prokurimit publik”

## **2. Kandidati/Ofertuesi duhet të dorëzojë:**

### **2.2 Kapaciteti ekonomiko-financiar**

1.4.1 Për të provuar kapacitetet financiare dhe ekonomike operatorët ekonomikë duhet të paraqesin vërtetim për xhiron vjetore për vitet financiare 2019, 2020, 2021 ku vlera e xhiros për të paktën një nga vitet e periudhës së kërkuar duhet të jetë jo më e vogël se 40% të fondit limit.

Kërkesa për plotësimin e kapaciteteve financiare konsiderohet e përmbushur nëse operatorët ekonomikë arrijnë vlerën e xhiros minimale, në të paktën një vit të periudhës së kërkuar nga autoriteti/enti kontraktor.

**Argumentimi:** Kërkesa e mësipërme është përcaktuar bazuar në vlerën e fondit limit të kësaj procedure, si dhe bazuar në nenin 77, pika 3, e LPP, si dhe nenin 43, të VKM nr. 285, datë 19.05.2021 “Për miratimin e rregullave të prokurimit publik”.

Përcaktimi i vlerës së kërkuar argumentohet si më poshtë:

$$12,000,000 \times 40\% = 4,800,000$$

---

Përcaktimi i viteve të kërkuara për paraqitjen e vërtetimit të xhiros vjetore është bërë bazuar Nenin 43, pika 1, pika 2 c) neni 55 pika 4, si dhe neni 64 i Ligjit Nr. 9920, datë 19.5.2008 (i ndryshuar) “Per Procedurat Tatimore ne Republiken e Shqiperise”.

**2.2.2** Operatori ekonomik ofertues duhet të paraqesë pasqyrat financiare vjetore (bilancet) gjatë 3(tre) viteve të fundit (2019, 2020, 2021) të çertifikuar nga organet tatimore. Në rast se operatori ekonomik është në kushtet e përcaktimeve të nenit 41, të ligjit nr.10091, datë 05.03.2009, atëherë bilancet duhet të shoqërohen edhe me akt-ekspertizën e ekspertit kontabël të autorizuar. Kjo kërkesë konsiderohet e përmbushur nëse në dy bilance të njëpasnjëshme, nuk ka raport negativ ndërmjet aktivitetit dhe pasivitetit.

**Argumentimi:** Kërkesa e mësipërme është përcaktuar bazuar në nenin 77, pika 3, e LPP, si dhe nenin 43, pika 4, të VKM nr. 285, datë 19.05.2021 “Për miratimin e rregullave të prokurimit publik”.

**2.2.3.** Operatori ekonomik duhet të paraqesë vërtetim për shlyerjen e taksave vendore të parashikuara nga Pushteti Vendor për vitin 2022, ku të përfshihet kësti për periudhën përkatëse të maturuar sipas ligjit nr.9632 datë 30.10.2006”Për sistemin e taksave vendore”i ndryshuar; **(lidhur me afatet e kryerjes se pagesave te caktuara nga njesite e veteqeverisjes vendore për vitin 2022)**, në të cilën është regjistruar sipas QKB dhe vendimeve të Këshilleve Bashkiake të njësive vendore ku operatorët ushtrojnë aktivitetin.

*(Në çdo rast AK ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose ti kërkojë operatorit ekonomik sqarime dhe dokumente mbështetëse për këto sqarime.*

**2.2.4.**Në rastet e bashkimit të operatorëve ekonomikë, çdo anëtar i grupit duhet të dorëzojë vërtetimin lëshuar nga Autoriteti përkatës në të cilën është regjistruar sipas QKB.

Për përmbushjen e këtij kriteri, operatorët ekonomikë duhet të vetëdeklarojnë se ka paguar detyrimet e taksave vendore për vitin 2022 sipas ligjit nr.9632, datë 30.10.2006 në formularin përmbledhës të vetëdeklarimit të DST-së objekt prokurimi.

Në cdo rast AK ka të drejtë të kryejë verifikimet e nevojshme mbi vërtetësinë e informacionit të deklaruar nga operatori ekonomik ose ti kërkojë operatorit ekonomik sqarime dhe dokumente mbështetëse për këto sqarime.

**Shënim:** Ndërsa operatori ekonomik i kualifikuar duhet të dorëzojë pranë AK, **përpara publikimit të njoftimit të fituesit dhe nisjes së afateve ankimit**, të gjithë dokumentacionin

provues për vetëdeklarimet në formularin përmbledhës të vetëdeklarimit.

**Argumentimi:** Kërkesa e mësipërme është përcaktuar bazuar në nenin 77, pika 3, e LPP, si dhe nenit 43, pika 6, të VKM nr. 285, datë 19.05.2021 “Për miratimin e rregullave të prokurimit publik” dhe në ligjin nr.9632, datë 30.10.2006 “Për Sistemin e Taksave Vendore” i ndryshuar, në ligjin nr.9920 datë 19.05.2008 “Per procedurat tatimore” i ndryshuar, neni 4, pika 2 d).

Referuar sa mësipër, njësia e prokurimit gjykon se kriteri i vendosur nga autoriteti kontraktor lidhur me dorëzimin nga ana e operatorëve ekonomikë të vertetimit të shlyerjes së detyrimeve vendore për vitin 2021 sipas kësteve prane bashkise/ve ku operatori ekonomik ushtron aktivitetin e tij është në përputhje me kuadrin ligjor në fuqi e konkretisht me ligjin nr.9632, datë 30.10.2006 për “Sistemin e Taksave Vendore” i ndryshuar. Të gjithë subjektet që ushtrojnë veprimtari biznesi kanë detyrimin ligjor të regjistrimit pranë Qendrës Kombëtare të Biznesit për të bërë të identifikueshëm vendodhjen e

aktivitetit të tyre dhe për tju nënshtuar pagesës së taksave vendore të parashikuara shprehimisht në këtë ligj.

### **2.3 Kapaciteti teknik:**

2.3.1. Operatori ekonomik duhet të paraqesë dëshmi për furnizimet e mëparshme të ngjashme, të kryera gjatë tre viteve të fundit nga data e shpalljes së njoftimit të kontratës, në një vlerë jo më të vogël se 40 % të vlerës së fondit limit të kësaj kontrate përkatësisht jo më e vogël se 4,800,000 (katër milionë e tetëqind mijë) lekë pa tvsh.

Për të vërtetuar përvojën e mëparshme të ngjashme, operatorët ekonomikë duhet të paraqesin dëshmitë e mëposhtme:

- a) për përvojën e mëparshme të realizuar me sektorin publik, operatori ekonomik duhet të paraqesë vërtetime të lëshuara nga një ent publik për përmbushjen me sukses të kontratës, ku të shënohen vlera, afati i përfundimit të kontratës dhe fatura tatimore të shitjes, të plotësuara sipas kërkesave të legjislacionit në fuqi, ku shënohen datat, shumat dhe sasi të mallrave të furnizuara, ose,
- b) për përvojën e mëparshme të realizuar me sektorin privat, operatori ekonomik duhet të paraqesë fatura tatimore të shitjes, të plotësuara sipas kërkesave të legjislacionit në fuqi, dhe të deklaruar në organet tatimore, ku shënohen datat, shumat dhe sasi të mallrave të furnizuara.

**Argumentimi:** Kërkesa e mësipërme është përcaktuar bazuar në nenin 77 të ligjit nr. 162, datë 23.12.2020 “Për prokurimin publik” dhe në nenin 55, pika 4/b), të VKM nr. 285, datë 19.05.2021 “Për Miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë përvojën e nevojshme për të zbatuar kontratën, prandaj është kërkuar që shërbimet e mëparshme të ngjashme të jenë në vlerën jo më pak se 20 % të vlerës së fondit limit, që është brenda vlerës kufirit të përcaktuar në nenin e sipërcituar.

Përcaktimi i vlerës së kërkuar për kontratat e ngjashme argumentohet si më poshtë:

$$12,000,000 \times 40\% = 4,800,000 \text{ lekë}$$

---

2.4. Operatori ekonomik duhet të ketë të punësuar minimumi 3 punonjës nga të cilët njëri duhet të jetë inxh.elektrik.

Për të dëshmuar përmbushjen e kriterit të mësipërm operatori ekonomik duhet të paraqesë dokumentacionin e mëposhtëm:

2.5.Vërtetimet lëshuar nga Sigurimet Shoqërore ose Administrata Tatimore, ku të specifikohet numri i punonjësve për secilin muaj për periudhën **shtator 2022 – tetor 2022**.

2.6.List pagesat e punonjesve sipas formatit që kërkohet nga legjislacioni në fuqi për periudhën **Shtator 2022 – tetor 2022**.

2.7.Për inxhinierin elektrik operatori ekonomik duhet të paraqesë kontratën e punës si dhe diplomën përkatëse.

**Shënim:** Për pikat 2.4 -2.7 më sipër operatorët ekonomik ofertues duhet të paraqesin

formularin e vetëdeklarimit sipas shtojcës nr.8.

Ndërsa operatori ekonomik fitues duhet të dorëzojë pranë AK, përpara lidhjes së kontratës, të gjithë dokumentacionin provues për vetëdeklarimet në formularin përmbledhës të vetëdeklarimit.

**Argumentimi:** Kërkesa e mësipërme është përcaktuar bazuar në nenin 77, të ligjit nr. 162, datë 23.12.2020 “Për prokurimin publik”, nenin 41, pika 4, gërma b), gërma c) të VKM nr.285, datë 19.05.2021 “Për Miratimin e Rregullave të Prokurimit Publik”. Me anë të këtij kriteri kërkohet që operatorët ekonomikë të dëshmojnë që kanë fuqinë punëtore të nevojshme për ekzekutimin e objektit të prokurimit, që ka në dispozicion apo që mund t’i vihen në dispozicion operatorit ekonomik për të përmbushur kontratën.

Lidhur mbi disponimin e 1(një) inxhinieri elektrik është i nevojshëm me qëllim realizimin e shërbimit të avolzhimit të pajisjeve elektromotor dhe transformator.

Vendosja e këtij kriteri për fuqinë punëtore është bërë në përputhje me zerat dhe volumet e preventivit të shërbimeve.

**2.8.**Operatori ekonomik duhet të ketë në pronësi ose qera makineritë dhe pajisjet e mëposhtëme:

- Bango për montimin e nukleve të transformatorëve
- Bobinatriçe për avolzhim motorësh
- Filtër presë për pastrimin e vajit të transformatorëve
- Filtër vakum për pastrimin kimik të vajit të transformatorëve
- Furrë elektrike e montuar në fabrikë

- Makineri për përpunim teli
- Mjet ngritës pirun
- Pajisje saldimi
- Tranxh mekanike
- Trapano
- Tronkatriçe për prerjen e nukleve 45 gradë

Për të vërtetuar këtë, mjetet duhet të shoqërohen me dokumentat e mëposhtme:

Kur janë në pronësi duhet të shoqërohen më faturë TVSH ose deklaratë zhdoganimi, ose cdo lloj forme të parashikuar nga Kodi Civil.

Kur janë me qera, duhet të paraqitet kontrata e qerasë me afat jo më të vogël se sa afati i kryerjes së shërbimit shoqëruar me dokumentat e mjeteve më faturë TVSH ose deklaratë zhdoganimi, ose cdo lloj forme të parashikuar nga Kodi Civil.

Për përmbushjen e këtij kriteri, operatorët ekonomikë duhet të vetëdeklarojnë mjetet dhe pajisjet që disponojnë në formularin përmbledhës të vetëdeklarimit.

**Shënim:** Ndërsa operatori ekonomik fitues duhet të dorëzojë pranë AK, përpara lidhjes së kontratës, të gjithë dokumentacionin provues për vetëdeklarimet në formularin përmbledhës të vetëdeklarimit.

**Argumentimi:** Në bazë të pikës 4, të nenit të 77, të ligjit nr. nr. 162, datë 23.12.2020 “Për prokurimin publik” dhe nenit 41, pika 4/ ç, të VKM nr. 285, datë 19.05.2021 “Për miratimin e Rregullave të Prokurimit Publik”, me anë të këtij kriteri kërkohet që operatorët ekonomikë të dëshmojnë që kanë në dispozicion apo që mund t’i vihen në dispozicion mjetet dhe pajisjet teknike për të përmbushur kontratën, të nevojshme për ekzekutimin e objektit të prokurimit.

- Bango për montimin e nukleve të transformatorëve shërben për të gjitha punimet dhe riparimet që bëhen në transformator. Duke mos pasur bango pune gjatë punimeve mund të thithen apo të ngjiten pluhura në nuklin apo pështjellat e transformatorit gjë e cila do të conte në uljen e izolimit të vajit dhe për pasojë djegien e transformatorit.
- Bobinatriçe për avolzhim motorësh është e domosdoshme pasi të gjitha riparime elektrike të transformatorëve apo elektromotorëve konsistojnë në zëvendësimin e bobinave.
- Filtër presë për pastrimin e vajit të transformatorëve dhe filtër vakum për pastrimin kimik të vajit të transformatorëve shërben për rikuperuar vajin e transformatorëve i cili nuk ka humbur plotësisht cilësitë izoluese.
- Furrë elektrike e montuar në fabrikë e cila shërben për tharjen e llakut me të cilin lyhen të gjitha bobinat e zëvendësuara.
- Makineri për përpunim teli shërbejnë për përpunimin e telit i cili do të përdoret për të bërë bobinat e elektromotorëve dhe transformatorëve.

- Mjet ngritës pirun është parë e domosdoshme në kyerjen e shërbimit pasi shumë nga pajisjet që UKT sh.a duhet të riparohet janë shumë të rënda dhe për spostimin e tyre në repartet e ndryshme ku bëhet riparimi, ndaj piruni shërben për spostimin e pajisjeve.
- Pajisje saldimi janë të domosdoshme për të salduar pjesë të ndryshme metalike të cilat mund të jenë dëmtuar gjatë punës.
- Tranxh mekanike shërbejnë për prerjen e fletëve elektroteknike të nuklit të transformatorëve të cilat mund të jenë dëmtuar gjatë punës.
- Trapano është një pajisje e domosdoshme në të gjitha proceset e punës të riparimeve.
- Tronkatriçe për prerjen e nukleve 45 gradë shërben për nuklet të vecanta transformatori të cilët kanë kënde 45 gradë në konfiguracionin e tyre.

## **II. ARGUMENTIM**

### **MBI SPECIFIKIMET TEKNIKE TË “Mirëmbajtje riparime nga te tretët elektrike”.**

Shumica e proceseve të riparimit, nëse bëhen në mënyrë të papërshtatshme, mund të zvogëlojnë efikasitetin e motorit. Anasjelltas, bërja e tyre mirë do të ruajë dhe madje mund të përmirësojë efikasitetin.

- Teli i përdorur për avolgimin e motorit të jetë prej bakri të emaluar me izolacion të klasit F.
- Materialet izoluese të jenë të klasit F.
- Llaku i përdorur të jetë llak izolues i klasit F.
- Pas përfundimit të peshjtjellës duhet të bëhet tharja e elektromotorit në furrë me temperaturë 95° C.

Pas montimit të motorit të kryhen testet e mëposhtëme:

- 1-Prova e matjes së rezistencës së pështjellave.
- 2-Prova e matjes së rezistencës së izolimit.
- 3-Prova e simetrisë së rrymave 3%, asimetria të mos jetë mbi 3% të rrymës nominale.
- 4-Prova me tension të aplikuar të jetë sa  $2xU_n$  për izolimin kundrejt tokës.
- 5-Prova me frekuencë të rritur për izolimin midis fazave.
- 6-Matja e humbjes të motorit nëpërmjet matjes  $tg \delta$ .
- 7-Të kryhet ballancimi i rrotorit të motorit me shpejtësi 30% më të madhe së shpejtësia nominale.
- 8-Të kryhet prova e fërkimit pa ngarkës e të motorit.
- 9-Të kryhet prova e lidhjes së shkurtër të elektromotorit.

Specifikimet teknike janë hartuar dhe argumentuar nga specialistet e fushes.